

(4) Quo plus igitur nos ipsos horremus, eò plus divina gratia tribuimus: Dan. IX, 7. seqq.

(5) Judicat Deus tam verbaliter quam realiter; tum particulariter, tum universaliter, &c. L. de Dei justitiâ.

USUS E VERSU VII.

(1) Datur peccatum originale & conmatum. L. de pecc. orig.

(2) Conceptio, formatio in utero concepti, formati in lucem educio, magna alias Dei conditoris beneficia: Psal. LXXI, 6. seqq. Quae ipsa tamen haut obstant, quò minus peccato infecti generemur à parentibus peccaminosis: Joh. III, 6. Ephes. II, 3. Job. XV, 14.

(3) Quò quis de peccatis dolet verius, eò magis accusat semetipsum, inque primam simul descendit originem, peccati nempe primi paradisiaci pestilitatem: Rom. V, 12. seq.

USUS E VERSU VIII.

(1) Deus sicut essentialiter est ipsa veritas, ita nil nisi veritatem amat, adeò, ut quae foris & intus sunt egregiè concordent invicem; quâ ratione & novus homo κατὰ θεὸν conditus est in justitiâ καὶ ἁγιότητι τῆς ἀληθείας & sanctitate veritatis: Ephes. IV, 24.

(2) Vult itaque Deus non honestatem fortè externam, insuper habitâ cordis qualitate, verùm delectatur interiori cordis emundati sinceritate. Hòrsùm ergò vertendum omne studium ac votum.

(3) Sapientia mundi vana: 1. Cor. I, 20. à Deo igitur Sapientia petenda, & quidem circa mysteria caelestia, v. g. circa liberationem à peccatis, circa adoptionis novae gratiam, circa politevma caeleste, &c.

(4) Docemur à Deo per ipsius Spiritum, in cordibus clamantem, &c. Rom. VIII, 14. 26. docemur ex evangelio de verâ justitiâ coram Deo valente: Rom. I, 16.

USUS E VERSU IX.

(1) Expiamur à peccatis non ullâ virtute vel satisfactione propriâ, sed hyssopo, adspersionem sanguinis Christi designante: 1. Joh. I, 8. Ephes. V, 26. Actor. XV, 9.

(2) Mundamur adeò à peccatis per fidem, ut fiamus δικαιοσύνη θεῶν, justitia Dei in Christo; 2. Corinth. V, 21. 1. Corinth. I, 30. Atque hoc est, prae nive dealbari; Apoc. VII, 14.

USUS E VERSU X.

(1) Gaudium verum solidumque concedit piis Dominus, postquam peccati mœrorem persenserunt satis Rom. V, 1. 2. Cor. VII, 9. seqq.

(2) Nil magis exbilarat corda, quàm sensus novae gratiae, peccata condonantis, inque Christo nos paternè amplectentis: Jes. LXI, 10. Ps. CIII, 1. seqq.

(3) Ossa exultant, quando sanitatem per Christi sanguinem recuperarunt. Sic fermè Davidis subsultarunt ossa atque pedes, dum arcam Domini deduceret: 2. Sam. VI, 16.

(4) Concutiuntur ossa per legem, quando omnis homini adimitur soliditas, cum terror absomit medullam, &c. Atque hac omnino ante gaudium spirituale necesse est antecedere: 1. Sam. II, 6.

(5) Stulti igitur sunt, qui conscientiae vulnerata mederi volunt deliciis carnalibus, computationibus, deambulationibus, lusibus, &c. tali regi Davidi hautquaquam defuisserunt; verùm à Deo petit gaudium.

USUS E VERSU XI.

(1) Omniscium Dei vultum nil prorsus fugit:

occultat tamen ipsum, quando instar non-offensi blande nos intuetur in Filio suo unigenito: Ephes. I, 6.

(2) De Deletionem peccatorum omnium (non tantum crassiorum, relictâ nobis satisfactione pro venialibus,) vide supra v. 3.

(3) Repetitur petitio eadem, non ex diffidentia, sed ad exprimendum ardens venia desiderium, nec non aegrotantis anima periculum.

USUS E VERSU XII.

(1) Cor mundum est, non quod liberum planè ab omnibus pravæ concupiscentiae motibus, (hoc enim nec Paulo contigit Rom. VII, 20. seqq.) sed quod post impetratam in Christo gratiam serio detestatur omnem ἀνομίαν, ac sine omni hypocrisis studet sanctitati corporis ac mentis: 2. Corinth. VII, 1.

(2) Tale cor non acquirit ex studio ethices, sed creandum est à Deò ipsò, non per novam substantiam productionem, sed divinam immutationem.

(3) David hætenus carnalis factus, nunc demum spiritualis fieri rursus desiderat, adeo ut innoventur in se omnia: Conf. 1. Thess. V, 23.

USUS E VERSU XIII.

(1) Projiciuntur à facie Dei, quibus spes omni venia jam præclusa. Contra hoc suspirandum jugiter, imò & cavendum sedulo, ne nos abicientes Dei disciplinam, à Deo projiciamur rursus: 1. Reg. XIV, 9.

(2) Auffertur Spiritus S. quando per peccata voluntaria contristatur prius; Ephes. IV, 30. Jes. LXIII, 10.

(3) Amitti igitur omninò potest Spiritus S. semel collatus. vid. notas. item L. de amissibilitate Gratiae, vel de persever. Sanctorum.

USUS E VERSU XIV.

(1) Gaudium salutis vincit omne gaudium, vide supra v. 10.

(2) Hoc per peccata amissum, per resipiscentiam recuperari potest.

(3) Spiritus piorum non est servitutis, sed adoptionis: Rom. VIII, 15. adeoque spontè, absque coactione ulla, agunt, quae se decet: Ps. CX, 3.

(4) Sustentamur, contra hallucinationes debilitatesque adhuc adherentes, omnium securissimè à Spiritu filiali: Rom. VIII, 26. συναυτὴλαμβάνεται τοῖς ἀδελφοῖς ἡμῶν.

USUS E VERSU XV.

(1) Etiam Regum atque Principum est, docere vias Domini, non quod Leviticum occupare debeant munus, aut confusionem subintroducere, sed quod pro data occasione, vel oratenus, vel scripto, (ut b. l.) admonitiones, suis tum ministris, tum liberis, distribuunt, edictis publicis tum pietatem tum honestatem pro viribus promoveant, adeoque honorem Dei ubivis unice intendunt.

(2) Cujusvis Christiani est, errantem fratrem ad Deum salutaribus reducere monitis: Jac. V, 19. de quo officio alii proluxè.

(3) Utut frustra videamur hunc & illum compellisse, Deo tamen committens causam, pieq; pergens, operam se non luisse deprehendet.

USUS E VERSU XVI.

(1) Peccatum grande vocatur sanguinolentum, quia atrocem meretur poenam, &c. Cavendum igitur tam ab his, quàm etiam, ut videri poterant, minoribus,

B

C

889
 Nam
 confra
 lib. 1.
 Eripimur
 Me
 Salate impe
 ingratu
 Cantilena
 Justitia D
 memor, g
 opere conce
 ryan
 USU
 Ille Christi
 ita bodi
 labia ap
 decora, &
 pro paga
 De laudibu
 USU
 Sacrificia qu
 prae
 David baut d
 holocausta
 m. e.
 Deo,
 peccata:

EXPLIC
 In veni
 sponte ni
 hanc ve
 precedent
 hoc Edo
 facto tander
 7. XII. 9.
 Adom
 Naphtali
 Junius
 lentos, resp
 Joseph. l.